



15. august 2019

UKA2019/98

Inatsisartut suleriaasianni § 33 naapertorlugu aalajangiiffigisassatut siunnersuut una matumuuna saqqummiuppara:

Peqqinnissaq pillugu ataatsimiititaliarsuup sulinissaanut tunngavissiamik UPA2020-mut siunnersuummik saqqummiusseqqullugit Naalakkersuisut peqquneqarnissaannik aalajangiiffigisassatut siunnersuut. Ataatsimiititaliarsuaq peqqinnissaqarfimmi ataatsimut isigalugu pitsaangorsaatissanik inassuseqaasiussaaq, tassunga ilanngullugit sulisussarsiortarnejq, sulisut sulisoriinnarnissat kiisalu Danmarkimik nunanillu allanik suleqateqarnejq. Inassuteqaatit peqqinnissaqarfimmi aqqissuusseqqinnissamut Inatsisartut politikikkut tunngavigissavaat. Minnerpaamik peqqinnissamik suliaqartut kattuffii aamma soqutisaqartut Kalaallit Nunaanni peqqinnissaqarfissaqarfimmi suliaqarnermik ilisimasaqartut ataatsimiititaliarsuarmi sinniisoqassapput.

(Inatsisartunut ilaasortaqaq Tillie Martinussen, Suleqatigiissitsisut)

Tunngavilersuut:

Peqqinnissaqarfimmik aqqissuusseqqinnissaq qularutissaanngilaq. Sulianik suliarinnittartut politikikkut naammattumik peqataatinnejq ajorpagut.

Peqqissaanermi assistentit, meeqqerinermit ikiortit, peqqissaasut, nakorsat, allatsit, portørit peqqissaanermilu sulisut allat peqataatinnejqarnissartik tusaaneqarnissartillu ukiorpassuarni kissaatigikuuat.

Peqqinnissaqarfik naleqqutinngitsumik annertuumik suliassaarpoq nunatsinilu tamani peqqissaanerup ajornera takujuarparput.

innuttaasunik imminut atasumik ullutsinnullu naleqquttumik ukiorpassuarni aggersuni peqqissaasarnissaq qulakkeerniarlugu ataatsimiititaliarsuup politikkerinut inassuteqaateqartoqavittarnissaanik pisariaqartitsisoqarnera qularutissaanngilaq.

Sulisussarsiortarnermik, suliamik ingerlatsilluarsinnaanermik, taartaasartut amerlavallaarnerannik, nakorsaatit akisunerulernerannik kiisalu innuttaasut utoqqaliartornerannik inooriaatsillu kinguneranik napaatit amerliartornerannik ajornartorsiuteqarpugut.

Aamma nappaatinik nalinginnaasunik eqqortumik katsorsaasarnejq ajornartorsiutaavoq, minnerunngitsumillu peqqinnissaqarfiup tigungerata kingorna suliassaqarpallaarnermik tamanna pissuteqarpoq.

Suleqatigiissitsisut isumaqarput pingaarnersiuneq eqqarsaatigalugu ilanngarterinissap politikikkut qulakkeerneqannginnerani suliamik ingerlatsisunik suliamut attuumassuteqartunik ilaasortaaffigineqartumik ataatsimiititaliarsuarmik pilersitsisoqartariaqartoq. Taamaalilluni ilisimasaqarluni aalajangiisarnissamut periarfissaqalissaaq, taamaalillutalu peqqinnissamik suliaqartugut pikkorissut sukut ikiuussinnaanermik ilisimasaqartut tunngavigineqarnissaat qulakkiissavarput.

Peqqinnissaqarfimmi sulisut peqataatinnejqarnissaat qulakkeerlugu sulinissamut tunngavissiaq suliarineqassaaq.

UKA2019/98

J. nr. XX.XX.XX /19EM-LABU-XXXXX

Aamma sulisut ilinniagaqanngitsut tapersiillutik ilanngussinissaat pingaaruteqarpoq, taamaalillunilu peqqinnissaqarfimmi aqutsisut kisimik pinnatik inuiaqatigiinnili kikkut tamarmik kiisalu illoqarfinnit nunaqarfinniillu naammattumik pitsaasumik tapersiisoqarluni ilanngussisoqarnissaa qulakkeerneqassalluni.

Ataatsimiititaliarsuup ullumikkut ajornartorsiutit aallaavigisariaqarpai kiisalu peqqissutsimik sullissinitsinni siunissami aaqqiissutissanik arlalinnik inassuteqaateqarnissaa qulakkeertariaqarlugu.

Sulinissamut tunngavissiap erseqqinnerusumik ilusilersornissaa pillugu isumaqarpugut Inatsisartuni partiit tamarmik akornanni siamasissumik isumaqatigiissutigineqartariaqartoq, taamaalilluni tunngavilersorluakkamik tunngaveqarluni sulisoqarnissaat qanorlu katitigaanissaata inaarutaasumik isikkoqarnissaa siamasissumik isumaqatigiissutigineqarnissaa qulakkeerneqassalluni.

Taamaalilluta neriuppugut siunnersuut Inatsisartunit akuersarneqarluassasoq.

Pisortanut aningaasatigut allaffissornikkullu kingunissai:

Peqqinnissaaq pillugu ataatsimiititaliarsuarmik pilersitsinissamut tunngavineqartussamik peqqinnissaaq pillugu sulinissamut tunngavissiamik siunnersuusiornermi A/C fuldmægtigip ataatsip ukiumut suliffissaata qaangerneqarnissaa ilimagineqanngilaq. Sanilliussillunili aalisarneq pillugu ataatsimiititaliarsuaq taaneqarsinnaavoq, ataatsimiititaliarsuup pilersinneqarneranut ingerlanneqarneranullu Aningaasanut inatsimmi konto pingaarneq 50.06.25 Aalisarneq pillugu Ataatsimiititaliarsuaq naapertorlugu 2019-imi 2 mio. kr. immikkoortinneqarnikuupput.

Namminersortunut aningaasaqarnikkut allaffissornikkullu kingunissai:

Soqanngilaq.

Innuttaasunut aningaasaqarnikkut allaffissornikkullu kingunissai:

Soqanngilaq.